

CZASOPISMO POŚWIĘCONE
NAUCZANIU MATEMATYKI

REDAKTOR

A. M. RUSIECKI — WARSZAWA
KOSZYKOWA 31. m. 5. TEL. PRYW. 441-17

ADMINISTRACJA

KSIĘGARNIA ŚW. WOJCIECHA
POZNAŃ, ALEJE MARCINKOWSKIEGO 22

KONTO CZEKOWE

P. K. O. POZNAŃ 200,032

Ad Clarissimo Domino

Professore

Giuseppe Peano

in Torino.

Caro Magistral

Me accipe Vestro epistola cum magno gaudio. Eheu, me es in ce tempore aegroto de chorioretinite in ambo oculo. Causa de morbo es profuso labore pro constructione de novo programma de mathematica pro publico schola elementare et intensivo occupatione per articulos et correctura de textu de "Parametr". Inde interdictione de lectura et deinde retardatione de fasciculos de "Parametr" et de meo novo periodico pro juvenes.

"Parametr" habe in anno 1930 successu insperabile. Toto editione es exhausto. Cum labore me trova uno exemplare pro mitte ad Vos, tamen me non pote mitte altero exemplare ad Redactione de "Schola et Vita". In anno 1931 me i mitte regulare omne fasciculo de "Parametr" cum annexu pro juvenes ad Vos et ad Redactione de "Schola et Vita".

Me spera, quod Vos da honore ad "Parametr" et mitte articulo pro ce periodico, forsitan ... non unico articulo! Me i imprima ce articulos in Lingua Peano cum traductione in polonico.

Me non ute nomine "Interlingua", nam existe circa semi-mille specimine de quasi-interlingua. Me non ute nomine "Peananto", nam non lice de imita "Esperanto". Nominde meliore es nomine de Creatore de solo et unico solutione "Peano". Me preca de venia, si me face

abusu de Vestro Nomine: me age, ut es digno et justo. "Lingua Peano"
es acceptato cum miratione et postea cum admiratione de simplicitate
et intelligibilitate, quamquam me non es perito de ute ce lingua
cum sufficiente perfectione - et diabolo de imprimaria introduce
ingrato errores de textu.

Me age gratias pro litteratura, que Vos amabile mitte ad me.
Me habe maximo tentatione de lege contra interdictu de medicos.

Me mitte plus humile hommagio et salutationes. Me exspecta
cum impatientia de Vestro articulos.

A. M. Rusied.